

Na osnovu člana 16.stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj 7/10) Vlada Zeničko-dobojskog kantona, na prijedlog Ministarstva za boračka pitanja, na 140. sjednici, održanoj 11.12.2013. godine, donosi

ZAKLJUČAK

I.

Prihvata se Informacija o statusu, radu i aktivnostima udruženja pripadnika branilačke populacije na području Zeničko-dobojskog kantona, Ministarstva za boračka pitanja kao obrađivača.

II.

Zaključak sa Informacijom iz tačke I. upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/13.

Datum, 11.12.2013. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za boračka pitanja,

1x Stručna služba Skupštine,

1x a/a.

**Bosna i Hercegovina
Federacija Bosne i Hercegovine
Zeničko-dobojski kanton
MINISTARSTVO ZA BORAČKA PITANJA**

I N F O R M A C I J A

o statusu, radu i aktivnostima udruženja pripadnika branilačke populacije na području Zeničko-dobojskog kantona

Zenica, oktobar 2013.godine

I Uvod

Udruženje u smislu Zakona o udruženjima i fondacijama ("Službene novine Federacije BiH" br. 45/02), (u daljem tekstu: Zakon) je svaki oblik dobrovoljnog povezivanja više fizičkih ili pravnih lica radi unapređenja i ostvarivanja nekog zajedničkog ili opštedruštvenog interesa ili cilja, a čija osnovna svrha nije sticanje dobiti. Udruženje (kao i fondacije) samostalno utvrđuju svoje ciljeve i djelatnosti u skladu sa Ustavom i Zakonom. Ciljevi i djelatnost udruženja ne mogu biti u suprotnosti sa ustavnim poretkom BiH i FBiH.

Udruženje (kao i fondacija) dužno je da vrši Zakonom povjerene poslove, a Kanton, odnosno kantonalni organ uprave nadležan je za poslove praćenja stanja u oblasti na koju se odnosi djelatnost udruženja.

Predmetnom informacijom Ministarstva obuhvaćene su pored statusnih pitanja, aktivnosti i presjek rada kantonalnih branilačkih udruženja, koja se finansiraju iz Budžeta Kantona, kao i ostalih udruženja branilačke populacije u 2012. godini, sa podacima o dodjeljenim novčanim sredstvima sa transfera Ministarstva u skladu sa Programom utroška sredstava Budžeta ZE-DO kantona Ministarstva, realizovanih putem redovnog finansiranja, kao i po osnovu posebnih programskih aktivnosti udruženja. Visina i raspodjela sredstava utvrđena je Programom utroška sredstava Ministarstva, koji u skladu sa Zakonom o izvršenju Budžeta za svaku budžetsku godinu donosi Vlada Kantona. Presjek stanja i rada branilačkih udruženja, odnosi se na ona udruženja za koje je Ministarstvo, kao kantonalni organ nadležno za praćenje stanja u oblasti na koju se odnosi djelatnost udruženja i na koje se primjenjuju odredbe navedenog Zakona o udruženjima i fondacijama, osim onih koji su uređeni drugim posebnim zakonom (sportske organizacije, poslovna udruženja i sl.).

II Normativna regulativa

Oblast rada i aktivnosti udruženja na području ZE-DO kantona normativno je regulisana i uređena u skladu sa ustavom utvrđenim funkcijama kantona i općina i to:

Shodno Odluci o finansiranju Zeničko-dobojskog kantona ("Službene novine ZE-DO kantona" br. 16/97), kojim je utvrđeno da se iz budžeta Kantona finansiraju udruženja i kantonalne organizacije, a iz općinskog budžeta općinska udruženja i organizacije.

Članom 47. Zakona o udruženjima i fondacijama ("Službene novine Federacije BiH" br. 45/02), (u daljem tekstu: Zakon) kojim je uređeno da nadzor nad zakonitošću rada udruženja i fondacija vrši nadležni federalni, odnosno kantonalni organ uprave u čije područje spada praćenje stanja u oblasti na koju se odnosi djelatnost udruženja ili fondacije.

Član 32. Zakona o dopunskim pravima branilaca i članova njihovih porodica-Prečišćen tekst ("Službene novine ZE-DO kantona" br. 5/13), kojim je utvrđeno da Vlada Kantona odobrava sredstva za rad i aktivnosti kantonalnih udruženja pripadnika branilačke populacije od posebnog društvenog interesa, u skladu sa posebnim propisom kojim utvrđuje visinu, uvjete, način i postupak dodjele istih sredstava.

Odlukom o finansiranju rada kantonalnih udruženja branilaca i članova njihovih porodica ("Sl. novine ZE-DO kantona" br. 20/07, 2/13) (u daljem tekstu: Odluka) kojom su utvrđeni uvjeti, način i postupak finansiranja i rada i aktivnosti udruženja branilaca i članova njihovih porodica, od posebnog društvenog interesa, organizovanih na nivou Zeničko-dobojskog kantona.

-Programom utroška sredstava Budžeta Zeničko-dobojskog kantona za 2012. godinu u razdjelu 24, budžetska organizacija 01, potrošačka jedinica 0001, ekonomski kod 614200-"Grantovi pojedincima" subanalitika-OAD 204" Sredstva za rad branilačkih udruženja" (u daljem tekstu: Program utroška) za navedenu namjenu planirana su sredstva u ukupnom iznosu od **395.910,00 KM**.

III Odluka o finansiranju rada kantonalnih udruženja branilaca i članova njihovih porodica- utrošak sredstava sa transfera Ministarstva u 2012. godini

Kao što je i naprijed navedeno, uvjeti, način i postupak finansiranja i rada i aktivnosti udruženja branilaca i članova njihovih porodica organizovanih na nivou Zeničko-dobojskog kantona utvrđeni su Odlukom o finansiranju rada kantonalnih udruženja branilaca i članova njihovih porodica ("Sl. novine ZE-DO kantona" br. 20/07, 2/13) (u daljem tekstu: Odluka). Napominjemo, da su izmjenama Odluke u 2013.godini, objavljenim u Službenim novinama ZE-DO kantona, br. 2/13 u finansiranje iz Budžeta Kantona uvrštena su još dva kantonalna udruženja branilaca i članova njihovih porodica i to: Savez DB odbrambenooslobodilačkog rata 1992-1995 ZE-DO kantona i Udruga nositelja ratnih odličja HVO ZE-DO kantona, sa sjedištem u Žepču, tako da se dodjeljena sredstva u 2012. godini (u nastavku Informacije) za ova dva udruženja, odnose se samo na realizovane pojedinačne projekte.

Ministarstvo, kao kantonalni organ uprave nadležan za poslove branilačko-invalidske zaštite u cilju realizacije zakonom povjerenih ovlaštenja u segmentu statusa, rada i aktivnosti udruženja branilačke populacije na području Kantona, vrši i obavlja slijedeće poslove i radne zadatke:

- finansira rad i aktivnosti kantonalnih udruženja a u skladu sa važećim podzakonskim aktom;
- pomaže (finansira i sufinansira) realizaciju projekata od značaja za branioce i članove njihovih porodica, a u skladu sa raspoloživim sredstvima prema Programu utroška sredstva iz Budžeta ZDK sa transfera Ministarstva za određenu namjenu;
- vodi evidenciju o svim vrstama dodjeljenih pomoći (po osnovu redovnog finansiranja, kao i po pojedinačnim projektima);
- prati realizaciju namjenskog utroška odobrenih sredstava;
- kao i stanje u oblasti rada branilačkih udruženja, te
- vrši nadzor nad zakonitošću rada udruženja;

U 2012. Ministarstvo je kontinuirano pratilo i podržavalo rad i aktivnosti udruženja, te je pored redovnog finansiranja podržavalo i učestvovalo u sufinansiranju i ostalih programskih aktivnosti udruženja/udruga, odnosno svih kvalitetnih i značajnijih projekata, bez obzira od kojeg udruženja je proslijeđeno. Radi realnijeg prikaza utroška sredstava od strane branilačkih udruženja, u posebnom pregledu (u nastavku) prikazana su i sredstva koja su odobravana sa drugih transfera Ministarstva, a po osnovu pojedinačno dostavljenih programa / projekata. Sa **razdjelā** Ministarstva za potrebe rada i aktivnosti udruženja u 2012. godini odobrena su novčana sredstva u ukupnom iznosu od **411.346,40KM**. Sredstva za navedenu namjenu planirana su u Budžetu Zeničko-Dobojskog kantona za 2012.godinu, akt broj:01-14-9966/12 od 27.04.2012.g, rebalansom Budžeta ZDK, akt broj: 01-14-26743/12 od 06.12.2012., te Programom utroška sredstava iz Budžeta Kantona sa razdjela Ministarstva za 2012.g usvojenim Zaključkom Vlade broj: 02-14-11964/12 od 23.05.2012.g., te izmjenama Programa utroška sredstava Ministarstva usvojenim Zaključkom Vlade broj: 02-14-16100/12 od 17.07.2012.godine (u daljem tekstu: Program utroška sredstava).

1) Pregled ukupno odobrenih sredstava sa razdjelā Ministarstva u 2012.godini

Visina planiranih sredstava – OAD 204.....	395.910,00 KM
Visina odobrenih sredstava – OAD 204.....	366.120,00 KM
Visina odobrenih sredstava-(sa razdjela Ministarstva).....	32.900,00 KM
<u>Zakup kancel. prostora (sa razdjela Ministarstva):.....</u>	<u>12.326,40 KM</u>
U K U P N O odobrena sredstva(sa razdjelā Ministarstva)....	411.346,40 KM

Kriterij za utvrđivanje visine pojedinačnih iznosa sredstava, koji se odobravaju udruženjima u skladu sa Odlukom su: brojnost općinskih organizacija-članica kantonalnih saveza/udruženja, utvrđene programske aktivnosti za tekuću kalendarsku godinu (redovne i posebne), realizacija aktivnosti i pravdanja utroška odobrenih sredstava u prethodnoj godini, kao i značaj i kvalitet

dostavljenih projekata sa aspekta pripadnika branilačke populacije, kao i sa aspekta značaja za širu društvenu zajednicu. Shodno Programu utroška sredstava odluku o odobravanju sredstava po podnesenim zahtjevima koji ne prelaze iznos od 5,000,00 KM donosi Ministar Ministarstva a na obrazložen prijedlog Ministra Zaključak o dodjeli sredstava u iznosu većem od 5.000,00 KM donosi Vlada Kantona.

Napomena: Na osnovu Ugovora o zakupu kancelarijskog prostora iz 2004.g., te aneksa ugovora iz 2006.g. sa Željezom Zenica d.o.o. sa transfera materijalnih troškova Ministarstva u 2012.god. plaćan je zakup korištenja opremljenog kancelarijskog prostora u direkciji Željezare za potrebe smještaja kantonalnih branilačkih udruženja u mjesečnom iznosu od 1.027,20 KM i to za: Organizaciju porodica šehida i poginulih boraca ZDK, Savez RVI ZDK, JOB BiH „Unija veterana., ZDK. Po tom osnovu u 2012.godini utrošeno je ukupno 12.326,40 KM.

2) U nastavku iznosimo tabelarni pregled utrošenih novčanih sredstva za rad i aktivnosti udruženja u 2012.godini sa analitikom dodjeljenih sredstava(utrošak sredstava po osnovu redovnog finansiranja, pojedinačno dostavljenih programa/projekata, te programa/projekata o dodjeljenim sredstvima sa ostalih transfera Ministarstva)

Tabela 2.1. – Sredstva utrošena po osnovu redovnog finansiranja

R.br	Naziv udruženja	Godišnji iznos KM
1.	Organizacija porodica šehida i poginulih boraca ZDK	31.000,00
2.	Savez RVI ZDK	31.000,00
3.	JOB BiH „Unija veterana., ZDK	31.000,00
4.	Savez dobitnika najvećih ratnih priznanja ZDK	24.800,00
5.	UG RVI paraplegičara ZDK	24.800,00
6.	SUBNOAR ZDK	12.600,00
7.	UG Savez slijepih ZDK	8.400,00
8.	Zajednica udruga obitelji pog. i nestalih hrvatskih branitelja domovinskog rata ZDK/ županije	24.800,00
9.	HVIDRA ZDK	24.800,00
UKUPNO:		213.200,00

Tabela 2.2.–Sredstva utrošena po osnovu pojedinačno dostavljenih programa / projekata

R.br	Naziv udruženja/udruge	Iznos KM
1.	Organizacija porodica šehida i poginulih boraca ZDK	19.600,00
2.	Savez RVI ZDK	45.800,00
3.	JOB BiH „Unija veterana., ZDK	3.000,00
4.	Savez dobitnika najvećih ratnih priznanja ZDK	27.000,00
5.	UG RVI paraplegičara ZDK	0,00
6.	SUBNOAR ZDK	0,00
7.	UG Savez slijepih ZDK	28.970,00
8.	Zajednica udruga obitelji pog. i nestalih hrvatskih branitelja domovinskog rata ZDK/ županije	0,00
9.	HVIDRA ZDK	6.000,00
10.	Savez DBOOR 1992-1995 ZDK	5.000,00
11.	Udruga nositelja ratnih odličja HVO ZDK	16.550,00
12.	Udruženje vojnih penzionera / umirovljenika ZDK	1.000,00
UKUPNO:		152.920,00

Tabela 2.3.-Sredstva utrošena po osnovu pojedinačno dostavljenih programa / projekata sa ostalih transfera Ministarstva

R.br	Naziv udruženja/udruge	Iznos KM
1.	Organizacija porodica šehida i poginulih boraca ZDK	1.500,00
2.	Savez RVI ZDK	17.000,00
3.	JOB BiH „Unija veterana,, ZDK	3.600,00
4.	Savez dobitnika najvećih ratnih priznanja ZDK	3.000,00
5.	UG RVI paraplegičara ZDK	0,00
6.	SUBNOAR ZDK	2.000,00
7.	UG Savez slijepih ZDK	2.800,00
8.	Zajednica udruga obitelji pog. i nestalih hrvatskih branitelja domovinskog rata ZDK/ županije	3.000,00
9.	HVIDRA ZDK	0,00
10.	Savez DBOOR 1992-1995 ZDK	0,00
11.	Udruga nositelja ratnih odličja HVO ZDK	0,00
12.	Udruženje vojnih penzionera / umirovljenika ZDK	0,00
UKUPNO:		32.900,00

Tabela 2. 4. – Ukupno odobrena sredstva (tabela 2.1+2.2+2.3)

R.br	Naziv udruženja/udruge	Ukupno odobrena sredstva
1.	Organizacija porodica šehida i poginulih boraca ZDK	52.100,00
2.	Savez RVI ZDK	93.800,00
3.	JOB BiH „Unija veterana,, ZDK	37.600,00
4.	Savez dobitnika najvećih ratnih priznanja ZDK	54.800,00
5.	UG RVI paraplegičara ZDK	24.800,00
6.	SUBNOAR ZDK	14.600,00
7.	UG Savez slijepih ZDK	40.170,00
8.	Zajednica udruga obitelji pog. i nestalih hrvatskih branitelja domovinskog rata ZDK/ županije	27.800,00
9.	HVIDRA ZDK	30.800,00
10.	Savez DBOOR 1992-1995 ZDK	5.000,00
11.	Udruga nositelja ratnih odličja HVO ZDK	16.550,00
12.	Udruženje vojnih penzionera / umirovljenika ZDK	1.000,00
A) UKUPNO (tabela 2.1+2.2+2.3):		399.020,00
B) Zakup kancel. prostora		12.326,40
UKUPNO (A+B)		411.346,40

IV Ostale aktivnosti Ministarstva u segmentu praćenja stanja rada udruženja pripadnika branilačke populacije(stanje u oblasti rada branilačkih udruženja, nadzor nad zakonitošću rada udruženja)

4.1. Nadzor nad zakonitošću rada udruženja

Udruženje koje vrši javna ovlaštenja shodno Zakonu dužno je organu uprave koje vrši nadzor nad njihovim radom najmanje jedanput godišnje podnijeti izvještaj o vršenju povjerenih javnih ovlaštenja– član 49. Zakona o udruženjima i fondacijama („Sl.novine FBiH“ 45/02). Zakon predviđa pojačanu kontrolu organizacija koje steknu svojstvo organizacije koja vrši javno ovlaštenje, uključujući i obavezu podnošenja godišnjeg izvještaja organu uprave koji vrši nadzor

nad njihovim radom. Ovaj izvještaj mora da sadrži opis aktivnosti udruženja udruženja/fondacije, a uz to i godišnji finansijski izvještaj sa bilansom stanja, koji prikazuje prihode i rashode udruženja. U tom segmentu, Ministarstvo za svaku budžetsku godinu vrši pregled i kontrolu rada kantonalnih udruženja, te pored zakonom propisane obaveze i pismeno traži dostavu izvještaja o radu sa završnim finansijskim izvještajem usvojen od strane organa upravljanja udruženja, te program rada za narednu budžetsku godinu, takođe usvojen od strane organa udruženja a u skladu sa statutarim i drugim aktima udruženja. Prilikom pregleda, kontrole i izvršenog internog nadzora rada za 2012.godinu utvrđeni su određeni nedostaci, te je svim udruženjima upućen generalni dopis i naloženo otklanjanje uočenih nedostataka, odnosno dopuna izvještaja za 2012.godinu. Isto se odnosilo na slijedeće: priloženi izvještaji o radu najčešće su stereotipni bez uporednih pokazatelja realizovano/nerealizovano prema programu rada udruženja; dokazi da su izvještaji o radu sa finansijskim i ostalim izvještajima usvojeni od strane Skupštine udruženja nisu dostavljani; nema dokaza da je finansijski izvještaj za 2012.g. (bilans stanja sa pregledom prihoda i rashoda udruženja) dostavljen nadležnoj instituciji-Poreznoj upravi, odnosno Agenciji AFIP;

Pored interne kontrole rada udruženja, Ministarstvo je obavezno i postupa po anonimnim i ostalim predstavkama građana (u kojima se najčešće ukazuje i iznose sve češće negativnosti u radu udruženja, razne vrste zloupotreba, kršenja statutarim odredbi udruženja, neredovno održavanje skupština udruženja, trošenje doniranih sredstva i sl.), te vrši kontrolu i nadzor nad zakonitošću rada udruženja na traženje MUP-a ZDK, Tužilaštva, te Ministarstva za pravosuđe i upravu ZDK. U svakom pojedinačnom slučaju, a po izvršenom nadzoru Ministarstvo pismeno naloži otklanjanje uočenih nedostataka, o čemu blagovremeno informiše Ministarstva za pravosuđe i upravu ZDK, kao nadležni kantonalni organ za Registar udruženja građana ZE-DO kantona. Sva ostala pitanja, informacije, podatke, te primjedbe po predstavkama i prijedlozima za provjere i kontrole, a koja nisu u nadležnosti Ministarstva prosljeđuju se u dalji rad ili dostavljaju kao povratna informacija za to nadležnim organima MUP-a ZDK, kao i Tužilaštvu. U 2012.godini Ministarstvo je izvršilo nadzor nad zakonitošću rada Udruženja antifašista i boraca NOR-a Općine Zenica, te shodno odredbi člana 50. Zakona o udruženjima i fondacijama pismeno naložilo organu upravljanja mjere za uklanjanje uočenih nedostataka, kako bi moglo poduzeti druge mjere u okviru svojih prava i dužnosti (pregledom je utvrđeno da je posljednja promjena u registru udruženja Ministarstva za pravosuđe i upravu ZDK bila 2007.g, te da je rad udruženja shodno statutarim odredbama nelegalan). O naloženom i poduzetim mjerama blagovremeno je informisan MUP ZDK. Treba istaći, da Ministarstvo za pravosuđe i upravu ZDK, kao nadležni kantonalni organ za evidenciju i registraciju svih udruženja za svaku godinu raspisuje javni poziv za dostavu dokumentacije, kao dokaza o kontinuitetu rada udruženja, a s ciljem ispunjavanja zakonske obaveze o registraciji svih promjena u radu udruženja. Naime, shodno odredbama Zakona o udruženjima i fondacijama, pored ostalog smatra se "da je udruženje prestalo djelovati ako je proteklo dvostruko više vremena od vremena utvrđenog statutom udruženja za održavanje skupštine udruženja, a skupština nije održana".

Obzirom, na navedeno **u narednom periodu planirano je intenziviranje aktivnosti na nadzoru nad zakonitošću rada** udruženja pripadnika branilačke populacije a u okviru prava i dužnosti Ministarstva. U tom smislu poduzimaćemo sve zakonom propisane radnje ukoliko se utvrdi da: udruženje ne obavlja djelatnost u skladu sa statutarim odredbama, ako kantonalnom organu ne prijavi promjene podataka koje se upisuju u registar u roku od 30 dana, od dana nastale promjene, ukoliko ne dostavi završni račun za prethodnu budžetsku godinu, ukoliko protekne dvostruko više vremena, od vremena utvrđenog statutom udruženja za održavanje skupštine, a skupština udruženja nije održana, te ne postupi po naloženim mjerama za otklanjanje uočenih nedostataka naloženim od strane Ministarstva. Zakonom su predviđene i novčane kazne, a posebnim članom je definisano kad se smatra da je udruženje prestalo djelovati.

4.2. Evidencija, baza podataka udruženja pripadnika branilačke populacije

U 2012.godini Ministarstvo je poduzelo i provelo značajne aktivnosti u obezbjeđivanju jedinstvene baze podataka o branilačkim udruženjima te je izradilo obrazac upitnika, kako za kantonalna, tako i za općinska udruženja pripadnika branilačke populacije, koji je prosljeđen svim udruženjima na popunjavanje, sa obaveznom potvrdom i ovjerom za tačnost podataka od strane ovlaštenog lica za zastupanje i predstavljanje udruženja. Predmetni upitnik sadrži osnovne podatke

od naziva, prve registracije udruženja, promjena u registraciji, iznosa mjesečne članarine, imovine udruženja, finansiranja, prostora za rad, broja zaposlenih ili angažovanih po ugovoru o djelu, mjesečnih materijalnih troškova udruženja, vizije rada sa komentarom, te mišljenjem i preporukom za unapređenje rada i saradnje. Činjenica je da su i ove aktivnosti neka od udruženja shvatila neozbiljno, ali je nesporno da su prikupljeni podaci od značaja za dalji rad u segmentu poslova rada sa udruženjima Ministarstva.

4.3.U nastavku iznosimo rezime, presjek rada udruženja sa podacima iz naprijed navedenih anketnih upitnika, podataka o obavljenoj internoj kontroli rada udruženja za 2012.g., te realizovanim značajnim pojedinačnim programima/projektima u 2012.g., prema našem mišljenju.

4.3.a. Organizacija porodica šehida i poginulih boraca ZDK

Program rada, izvještaj o radu sa završnim finansijskim izvještajem, koji prikazuje prihode i rashode udruženja-bilans stanja na dan 31.12.2012.godine dostavljen; obaveza dostave programa rada za 2013.godinu ispoštovana; prema podacima iz Upitnika za čiju tačnost potvrđuje i ovjerava lice ovlašteno za zastupanje i predstavljanje Organizacija ima: 11 općinskih organizacija članica Organizacije, a 4.000 članova koji plaćaju članarinu(aktivni članovi), te još 4.500 porodica koje prema statutarnim odredbama Organizacije imaju status porodica šehida-članova Organizacije; 1 lice je u stalnom radnom odnosu (tehnički sekretar), 12 lica angažuje se u toku godine po ugovoru o djelu; od realizovanih pojedinačnih programa/ projekata u 2012.g. izdvajamo: sufinansiranje projekta"Da se ne zaboravi"-posjeta učenika srednjih škola sa područja općina Kantona MC Potočarima, Srebrenica, suf. troškova ljetovanja djece bez oba roditelja, projekta druženje porodica šehida 2012.", projekta" Sjećanje-dan šehida"-pomen i sjećanje na šehide i poginule branitelje i sl.

4.3.b. Savez RVI ZDK

Program rada, izvještaj o radu sa završnim finansijskim izvještajem, koji prikazuje prihode i rashode udruženja-bilans stanja na dan 31.12.2012.godine dostavljen; obaveza dostave programa rada za 2013.godinu ispoštovana; prema podacima iz Upitnika za čiju tačnost potvrđuje i ovjerava lice ovlašteno za zastupanje i predstavljanje Savez ima 11 općinskih organizacija članica Saveza 4.284 člana(dostavljen pregled po općinama),1 lice u stalnom radom odnosu (tehnički sekretar), 13 angažovanih u toku godine; od realizovanih pojedinačnih programa/ projekata u 2012.g izdvajamo: sufinansiranje programa obilježavanja 20-te godišnjice 3. korpusa ARBiH, suf. programa rekreativnog druženja, suf. aktivnosti na izradi monografije o 3. Korpusu, suf posjete ratnih vojnih invalida MC Potočari, Srebrenica, projekat organizacije, priprema i učešća na sportskim igrama ratnih vojnih invalida FBiH , te niz ostalih ne manje značajnih projekata;

4.3.b. JOB BiH „Unija veterana,, ZDK

Program rada za 2012.g. dostavljen, bez dokaza da je izvještaj o radu udruženja sa završnim finansijskim izvještajem-bilans stanja na dan 31.12.2012.godine usvojen od strane Skupštine udruženja (svim udruženjima upućeno upozorenje aktom Ministarstva broj: 13/03-2-2-14-4440/13 od 18.06.2013.g.); obaveza dostave programa rada za 2013.godinu ispoštovana; prema podacima iz Upitnika za čiju tačnost potvrđuje i ovjerava lice ovlašteno za zastupanje i predstavljanje Udruženje ima 11 općinskih organizacija članica JOB-a, a 22645 članova (podaci iz 2011.g. prema upitniku),1 lice u stalnom rad. odnosu (od 1996.g.), 1 lice zaposleno po ugovoru u toku godine;od realizovanih pojedinačnih programa/ projekata izdvajamo: sufin. tematske sjednice-izmjena zakonskih i podzakonskih akata održana u 9mj./12 na Bistričaku, suf. obilj. 20.-te god. Armije RBiH, suf. posjete članova JOB-a MC Potočarima, Srebrenica;

4.3.c. Savez dobitnika najvećih ratnih priznanja ZDK

Program rada, izvještaj o radu sa završnim finansijskim izvještajem, koji prikazuje prihode i rashode udruženja-bilans stanja na dan 31.12.2012.godine dostavljen; obaveza dostave programa rada za 2013.godinu ispoštovana; prema podacima iz Upitnika za čiju

tačnost potvrđuje i ovjerava lice ovlašteno za zastupanje i predstavljanje Savez ima 8 općinskih organizacija članica Saveza, a 274 člana, nema stalno zaposlenih, niti plaća ugovor o djelu(kako je navedeno u upitniku); od realizovanih pojedinačnih programa/projekata izdvajamo: sufinansiranje druženja dobitnika najvećih ratnih priznanja, sufinansiranje projekta posjete Turskoj, sufinansiranje iftara i sl.;

4.3.d. UG RVI paraplegičara ZDK

Program rada, izvještaj o radu sa završnim finansijskim izvještajem, koji prikazuje prihode i rashode udruženja-bilans stanja na dan 31.12.2012.godine dostavljen; obaveza dostave programa rada za 2013.godinu ispoštovana; prema podacima iz Upitnika za čiju tačnost potvrđuje i ovjerava lice ovlašteno za zastupanje i predstavljanje Udruženje nema članica OO, a 42 člana, nema stalno zaposlenih, niti angažovanih po ugovoru o djelu (prema podacima iz upitnika);Udruženje nije imalo zahtjeva za realizaciju pojedinačnih programa/projekata, tokom 2012.g. samo redovno finansiranje;

4.3.e. SUBNOAR ZDK

Program rada, izvještaj o radu sa završnim finansijskim izvještajem, koji prikazuje prihode i rashode udruženja-bilans stanja na dan 31.12.2012.godine dostavljen; obaveza dostave programa rada za 2013.godinu ispoštovana; prema podacima iz Upitnika za čiju tačnost potvrđuje i ovjerava lice ovlašteno za zastupanje i predstavljanje Udruženje ima 10 članica općinskih organizacija, a 3.796 članova (podaci iz upitnika), nema stalno zaposlenih, knjig. usluge po ugovoru, povremeno angaž. za održavanje čistoće i daktil usluge;od realizovanih pojedinačnih programa/projekata izdvajamo: sufinansiranje projekta-posjeta Dolini heroja na Tjentištu, bitka na Sutjesci;

4.3.f. UG Savez slijepih ZDK

Program rada, izvještaj o radu sa završnim finansijskim izvještajem, koji prikazuje prihode i rashode udruženja-bilans stanja na dan 31.12.2012.godine dostavljen; obaveza dostave programa rada za 2013.godinu ispoštovana; prema podacima iz Upitnika za čiju tačnost potvrđuje i ovjerava lice ovlašteno za zastupanje i predstavljanje Udruženje nema članica OO, ima ukupno 10 članova, u upitniku nisu navedeni podaci o stalno zaplenim ili angažovanim po ugovoru o djelu;od realizovanih pojedinačnih programa/ projekata izdvajamo: finansiranje medicinske rehabilitacije slijepih RVI 100% Igr. na moru, finansiranje nabavke Braillovih i ostalih pomagala za slijepe ratne invalide, sufinansiranje obilježavanja- 15.10.-Dan slijepih boraca ZDK;

4.3.f. Zajednica udruga obitelji pog. i nestalih hrvatskih branitelja domovinskog rata ZDK/ županije

Program rada, izvještaj o radu sa završnim finansijskim izvještajem, koji prikazuje prihode i rashode udruženja-bilans stanja na dan 31.12.2012.godine dostavljen; obaveza dostave programa rada za 2013.godinu ispoštovana; prema podacima iz Upitnika za čiju tačnost potvrđuje i ovjerava lice ovlašteno za zastupanje i predstavljanje Zajednica ima 4 članice općinske organizacije, a ukupno 754 članice porodice, na određeno vrijeme je zaposleno 1 lice(tajnik) na 4 sata; od realizovanih pojedinačnih programa/ projekata izdvajamo: sufinansiranje samo jednog projekta 1. novembar-Dan mrtvih, sjećanja na poginule branitelje;

4.3.e. Zajednica udruga hrvatskih vojnih invalida domovinskog rata-HVIDRA ZDK

Program rada, izvještaj o radu sa završnim finansijskim izvještajem, koji prikazuje prihode i rashode udruženja-bilans stanja na dan 31.12.2012.godine dostavljen; obaveza dostave programa rada za 2013.godinu ispoštovana; prema podacima iz Upitnika za čiju tačnost potvrđuje i ovjerava lice ovlašteno za zastupanje i predstavljanje Zajednica ima 6 članica općinskih organizacija, a ukupno 728 članova (podaci iz upitnika), zaposlen

je tajnik po ugovoru, a predsjednik volonterski; od realizovanih pojedinačnih programa/projekata ističemo: suf. sportskih igara, sufinansiranje 20. obljetnice HVO-a Maglaj i sl.;

4.3.f. Savez DBOOR 1992-1995 ZDK

Savez uvršten u finansiranje iz Budžeta Kantona sa pozicije Ministarstva u 2013.g.-Odluka o finansiranju rada kantonalnih udruženja branilaca i članova njihovih porodica ("S. novine ZDK", br. 20/07 i 2/13), u 2012. budžetskoj godini po osnovu pojedinačno dostavljenih projekata odobrena nov. sr. u ukupnom iznosu od 5.000,00 KM (Odluka iz 6mj./12-za podršku u realiz. progr. akt. Udruž, te Odluka iz 11mj/12godine 2.000,00KM za realizaciju programskih aktivnosti i rad kancelarije Saveza), koja nisu u cjelosti opravdana; prema podacima iz Upitnika za čiju tačnost potvrđuje i ovjerava lice ovlašteno za zastupanje i predstavljanje Savez ima 10 članica OO, a 30845 članova Saveza (podaci iz upitnika), prostor za rad koriste bez zakupa, nema stalno zaposlenih, niti angažovanih po ugovoru o djelu, u upitniku navedeno volonterski rad;

4.3.g. Udruga nositelja ratnih odličja HVO ZDK

Udruga uvrštena u finansiranje u budžetskoj 2013.g.-Odlukom o finansiranju rada kantonalnih udruženja branilaca i članova njihovih porodica ("S. novine ZDK", br. 20/07 i 2/13), iako je Udruga uvrštena u fin. u 2013.g. dostavljen je izvještaj o radu za 2012.g., kao i finansijski izvještaj-bilans stanja (pregled prihoda i rashoda za 2012.g) sa dokazom je završni račun predat Agenciji AFIP; obaveza dostave programa rada za 2013.god. ispoštovana; prema podacima iz Upitnika za čiju tačnost potvrđuje i ovjerava lice ovlašteno za zastupanje i predstavljanje Udruga ima 7 članica općinskih organizacija, a ukupno 157 članova (podaci iz upitnika), nema stalno zaposlenih, angažovani po ugovoru o djelu-predsjednik i tajnik; u 2012.g. odobrena novčana sredstva po osnovu pojedinačno dostavljenih projekata u ukupnom iznosu od 16.550,00 KM i ista su u potpunosti opravdana; od realiziranih pojedinačnih projekata izdvajamo: sufinansiranje tradicionalnog druženja NRO HVO ZDK, suf. projekta opremanja Udruge, suf. projekta podjele novogodišnjih i božićnih paketića, suf. projekta posjete gradu Vukovaru, suf.projekta "Olakšajmo škol. djeci branitelja" sufinansiranje bokferskog turnira Lozančić-Jozić;

V Zaključna razmatranja

Iz navedenog se može nedvosmisleno zaključiti, da je Ministarstvo shodno nadležnostima, te raspoloživim sredstvima za navedenu namjenu pratilo i podržavalo rad i aktivnostima udruženja pripadnika branilačke populacije na području Zeničko-dobojskog kantona, te podržavalo sve aktivnosti udruženja koja su od interesa i pomoći braniocima i članovima njihovih porodica. U cilju što racionalnijeg praćenja utroška sredstava namjenjenih za rad udruženja, koja se finansiraju iz Budžeta Kantona, u narednom periodu planirano je procentualno određivanje opsega troškova, a koja se odnose na materijalne troškove rada kancelarije (prostor, kanc. mat., zaposlene/ang. po ugovoru, korištenje telefona, mobitela i sl.), realizaciju dijela programskih aktivnosti, održavanje skupština, kao i pojačani angažman u dijelu aktivnosti nadzora nad zakonitošću rada udruženja i sl.

Pored, praćenje stanja u oblasti na koju se odnosi djelatnost udruženja, prevashodna intencija i cilj podrške radu udruženja pripadnika branilačke populacije Ministarstva bila je a biće i ubuduće:

- unapređenje i poboljšanje položaja branilaca i članova njihovih porodica na način djelovanja i organizovanja kroz branilačka udruženja s ciljem lakšeg artikulisanja njihovih interesa i stavova;

- učešće udruženja u javnim i tematskim raspravama, kao i procedurama izmjena zakonskih i podzakonskih akata sa konkretnim prijedlozima a u cilju donošenja što optimalnijih zakonskih rješenja za rješavanje statusnih pitanja branilaca i članova njihovih porodica;

-realizacija pojedinačnih projekata udruženja za zapošljavanje i samozapošljavanje branilaca i članova njihovih porodica

-realizacija projekata od opštedruštvenog interesa, njegovanje tradicije odbrambenooslobodilačkog rata, s posebnim akcentom na uključivanje mladih generacija;

-ukazivanje, predlaganje i upućivanje za rješavanje i pojedinačnih teških i specifičnih slučajeva branilaca i članova njihovih porodica, koji iz neznanja i neukosti nisu informisani o mogućnosti i načinu realizacije nekog od dopunskih prava, rad na terenu, sa socijalnom kartom članova udruženja, kako bi se pravovremeno reagovalo, obzirom da smo svakodnevno svjedoci alarmantnih poziva za pomoć putem medija;

- realizacija i ostalih vidova psiho-socijalne podrške braniocima i članovima njihovih porodica, a ne rad kancelarije i finansiranje samo zakupa prostora, plaća i naknada predsjednika, sekretara i sekretarica, bez značajnih pomaka u radu iz godine u godinu;

Svaka dobra inicijativa, prijedlog, projekat, ideja sigurno nije ostala bez podrške i potpore Ministarstva, što će biti praksa i ubuduće.

I na ovaj način, cilj nam je doprinjeti unapređenju, očuvanju i poboljšanju položaja ove populacije. To je naša dužnost i zakonska obaveza, koja im pripada i koju smo im u obavezi pružiti.

MINISTAR
Nedžad Lokmić